

112
Luy et de tous les autres qui l'auoient en garde
qu'ilz luy eussent volentiers donne liberte si tant
eussent estes obliges a estre piteux / quil estoient
de estre fideles a leur seigneur Mais quant le Roy
eut Receu La lire apres lecture faicte dicelle com
manda moult vistemement que Le poeteur se leuast
et absentast hors de sa presence La quelle chose moy
voyant de nouveau comencay a mauldire ma
malle fortune Et suppose que mon tourment fust
grant et occupast mon cueur de douleur si ne occu
poit il point Le memoire des choses que faire me
couuenoit Et incontinent pource que Ianoys
plus desperance pour endurer ma peine que pour
le remede de Laureolle allay parler avec gaulo
son oncle maternel et luy dis et narray comme
Leriano la vouloit oster et deliurer par force de
prison et que de sa part Luy supplioit quil vint et
se trouuast pres de la avec quelque nombre de gens
affin que sil la pouoit tirer de hors La mist entre
ses mains et quil la conduisist en quelque lieu
seur. Pourtant que sil lemmenoit avec luy se
pourroit croire et ad iouster foy au tesmoignage
des trois faulx tesmoins / et la accusation Inique
de Perses Lequel gaulo non ayant moins de
douleur de La mort de Laureolle que la Roynne
sa seur me Respondit quil feroit tout ce que Je luy
auois dit. Et quant Je congneuz que sa volente
et mon desir furent conformes et vnz men partiz
secretement auant que le bruit sen fist Le tout fut
fait et execute. Ce que subitement mis en oeuvre
et arriuy vers Leriano luy declaray entierement
tout ce que Ianoys faict. Et peu apres que luy euz